



Shri Asaramayan

**Guru charan raj sheesh dhari, Hriday roop vichaari
Shri Asaramayan kaho vedanta ko saar
Dharm kaamaarath moksha de rog shok sanhaar
Bhaje jo bhakti bhaav se shigraha ho beda paar**

Bhaarat sindhu nadi bakhaani Nawaab jile mein gaav berani
Rehata ek seth gunkhaani naam Thaumal Sirumalani
Aagya mein rehati Mehgiba pati parayan naam Mangiba
Chait vad chhaha unnees athaanve Aasumal avtarit aangne
Maa man mein umada sukh sagar dwaar pe aaya ek saudagar
Laaya ek ati sundar jhoola dekh pita man harsh se phula
Sabhie chakit ishwar ki maya uchit samay par kaise aaya
Ishwar ki yeh leela bhari baalak hai koi chatatkaari

**Sant seva aur shruti shravan maat peetaa upkaari
Dharma purush janma koi punyo ka phal bhari**

Surat thi baalak ki saloni, aate hi kar di anhoni
Samaaj mein hti maanyata jaisi, prachalit ek kahavat aisi
Teen behan ke baad jo aata putra woh trekhan kehalata
Hota ashubh amangal kaari daridrata laata hai bhari
Viparit kintu diya dikhaai ghar mein jaise Lakshmi aayi
Tirloki ka aasan dola Kuber ne bhandaar hi khola
Maan pratishtha aur badhai sab ke man sukh shanti chaai

Hari om Hari om Hari om Hari Om - Hari om Hari om Hari om Hari Om

**Tejomay baalak badha aanand badhaa apaar
Sheel shanti ka atmadhan karne lagaa vistaar**

Ek dinaa Thaumal dwaare Kulguru Parshuraam padhaare
Jyun hi ve baalak ko nihaare anaayaas hi sahasa pukaare
Yah nahin baalak saadharan hai, daivee lakshan tej hai kaaran
Netron mein hai saatvik lakshan iske kaarya bade vilakshan
Yah to Mahaan Sant banega logon ka udhaar karega
Suni Guru ki bhavishya vaani gad gad ho gaye Sirumalani
Maata ne bhi maatha chooma har koi lekarke ghooma

Hari om Hari om Hari om Hari Om - Hari om Hari om Hari om Hari Om

**Gyaani vairaagi poorva ka tere ghar mein aaye
Janm liya hai yogi ne putra tera kehalaye
Paawan tera kul hua janani kokha kritaarth
Naam amar tera hua, purna chaar purushaarth**

Saitaalis mein desh vibhajan, pak mein choda bhu pashu au dhan
Bharat Ahmedabad mein aaye Maninagar mein shiksha paaye
Badi vilakshan smaran shakti Asumal ki ashu yukti
Tivra buddhi ekagra namrata tvarit kaarya aur sahasheelta
Asumal prasanna mukh rehate shikshak Hasmukhbhai kehate
Pista badam kaaju akhrota bhare jeb khaate bhar peta
De de makkhan mishri kuja maa ne sikhaya dhyaan aur pooja
Dhyaan ka swaad lagaa tab aise, rahey na machhali jal bin jaise
Hue Bramhavidya se yukta ve vahi ahi vidya ya vimuktaye
Bahut raat tak pair dabaate bhare kanth pitu aashish paate

Hari om Hari om Hari om Hari Om - Hari om Hari om Hari om Hari Om

**Putra tumahara jagat mein sada rahega naam
Logon ke tumse sada puran honge kaam**

Seer se hati pita ki chaaya tab maaya ne jaal phailaya
Badey bhai ka hua dushashan vyarth hue maa ke aashwashan
Chhoota vaibhav schooli shiksha shooro ho gai agni pariksha
Gaye Siddhpur naukari karne Krishna ke aage bahaaye jharne
Sevak sakha bhaav se bheeje, Govind Madhav tab reejhe
Ek dina ek maai aayi boli he bhagwan sukhdaayi
Pade putra dukh mujhe jhelne khoon case do bete jail mein
Bole Aasu sukh paavenge nirdosh chut jaldi aavenge
Bete ghar aaye maa bhaagi Aasumal ke paavon lagi

Hari om Hari om Hari om Hari Om - Hari om Hari om Hari om Hari Om

**Aasumal ka pushta hua aalokik prabhaav
Vaak siddhi ki shakti ka ho gaya pradurbhaav**

Baras Siddhpur teen bitaaye laut ahmedabaad mein aaye

Karne lagi Lakshmi nartan kiya bahi ka dil parivartan
Daridrata ko door kar diya ghar vaibhav bharpur kar diya
Cinema unhe kabhi na bhaaye balat le gaye rote aaye
Jis maa ne tha dhyaan sikhaya usko hi ab rona aaya
Maa karna chahti thi shaadi Aasumal ka man bairaagi
Phir bhi sabne shakti laagayi jabran kar di unki sagaai
Shaadi ko jab hua unka man Aasumal kar gaye palaayan

Hari om Hari om Hari om Hari Om - Hari om Hari om Hari om Hari Om

**Pandit kaha Guru Samarth ko Ramdas savdhan
Shaadi phere phirte hue bhaaage chhuda kar jaan**

Karat khoj mein nikal gaya dum mile bharuch mein ashok ashram
Kathinaai se mila raasta pratishtha ka diya vaasta
Ghar mein laaye aajmaaye Guru baarat le pahunche aadipur
Vivaah hua par man dridhaaya bhagat ne patni ko samajhaaya
Apna vyauhar hoga aise jal mein kamal rehata hai jaise
Saansarik vyavahaar tab hogaa, jab mujhe Saakshaatkaar hoga
Saath rahe jyun aatma kaaya saath rahe vairaagi maya

Hari om Hari om Hari om Hari Om - Hari om Hari om Hari om Hari Om

**Anashwar hoon main jaanta sat-chit hoo anand
Sthiti mein jeene lagoon hove parmananda**

Mool granth adhyayan ke hetu Sanskrit bhasha hai ek setu
Sanskrit ki shiksha paayi gati aur sadhana badhaai
Ek shlok hriday mein paitha vairagya soya uth baitha
Asha chhod nairashya avalambit uski shiksha purna anushtit
Lakshmi devi ko samjhaya isha praapti ka dhyeya bataaya
Chhod ke ghar main ab jaoonga lakshya prapta kar laut aaoonga
Kedarnath ke darshan paaye lakshadhipati ashish paye
Puni pooja punah sankalpaaye isha prapti ashish paye
Aaye Krishna leela sthali mein Vrindavan ki kunj galin mein
Krishna ne man mein aisa dhaala ve ja pahunche Nainitala
Wahan thhey Shrotriya Bramhanishthit Swami Leelashah Pratishtit
Bhitar taral thee bahar kathora nirvikalpa jyun kagaz kora
Purna swatantra param upkari brahmanishtha atma saakhshaatkaari

Hari om Hari om Hari om Hari Om - Hari om Hari om Hari om Hari Om

**Isha-krupa bina Guru nahin Guru bina nahin Gyaan
Gyaan bina atma nahin gavahi Ved-Puraan**

Jaanne ko saadhak ki koti sattar din tak hui kasoti
Kanchan ko agni mein tapaaya, Guru ne Aasumal bulwaya
Kaha grihasth ho karma hi karna dhyan bhajan ghar par hi karna
Aagya maani ghar par aaye, paksha mein Moti-Coral dhaaye
Narmada tat par dhyan lagaaye, Lalji Maharaj aakarshaaye
Saprem shila swami paha dhaye Datta-kuteer mein sagrah laaye

Umada prabhu prem ka chaskaa anusthaan chaalis diwas ka
Mare chhaha shatru sthiti paayi bramha nishthata sahaja samai
Shubha-Ashubha sam ronaa-ganaa grishma thand maan aur apmana
Tripta ho khaana bhook aru pyaas mahal aur kutiyaa aas niraas
Bhakti yoga gyaan abhyaasi hue samaan Magahar aur Kaasi

Hari om Hari om Hari om Hari Om - Hari om Hari om Hari om Hari Om

**Bhaav hi kaaran ish hai na swarna kaashth paashan
Sata-Chita-Ananda roop hai vyaapak hai Bhagawaan
Bramheshaan Janaardan Saarad Shesh Ganesh
Niraakaar saakaar hai, hai sarvatra bhavesh**

Hue Aasumal bramha-abhyaasi, janm aneko laage baasi
Dur ho gayi aadhi vyaadhi siddha ho gayi sahad samaadhi
Ik raat nadi tat man aakarsha aai jor se aandhi varsha
Band makaan baramda khali baithe wahin samadhi lagaali
Dekha kisine socha daku laaye laathi bhaala chaku
Daude chikke shor mach gayaa, tuti samaadhi dhyaan khinch gayaa
Sadhak utha, they bikhare keshaa raag dvesh naa kinchit leshaa
Saral logon ne saadhu manaa, hathyaaron ne kaal hi jaana
Bhairav dekh dusht ghabaraaye, pahalwaan jyun malla hi paaye
Kaami janon ne aashiq maana, sadhujan kinhe parnaama

Hari om Hari om Hari om Hari Om - Hari om Hari om Hari om Hari Om

**Ek drishti dekhe sabhie chaley shaant gambhir
Sashastron ki bheed ko sahad gaye ve cheer**

Maata aayi dharam ki sevi saath mein patni Lakshmi devi
Dono phut phut ke roi, rudan dekh karunaa bhi roi
Sant Lalji hridaya pasija, har darshak aansoo mein bhija
Kaha sabhie ne aap jaaiyo, Asumal bole ki bhaiyon
Chaalid diwas hua nahi pura, anusthaan hai mera adhura
Asumal ne chodi titiksha, maa patni ne ki partiksha
Jis din gaon se hui vidaai jaar jaar roe log lugai
Ahmedabad ko hue ravana, miyaa-gaon se kiya payana
Mumbai gaye Guru ki chaah, mile vahin pe Lilashah
Param pita ne putra ko dekha, surya ne ghat jal mein pekha
Ghatak tod jal jal mein milaya, jal prakash aakash mein chhaya
Nij swaroop ka gyaan dridhaya, dhai diwas tak hosh na aaya

Hari om Hari om Hari om Hari Om - Hari om Hari om Hari om Hari Om

**Aasoj sud do diwas , sanwat bees ikkis
Madhyaanh dhaai baje mila Eesh se Eesh
Deh sabhie mithya hui jagat hua nissar
Hua aatma se tabhi apna sakhshatkar**

Param swatantra purush darshaya, jeev gaya aur shiv ko paaya
Jaan liya hoon shant niranjan, laagu mujhe na koi bandhan

Yah jagat sara hai nashwar, main hi shaashwat ek anashwar
Deed hai do par drishti ek hai, laghu guru mein wahi ek hai
Sarvatra ek kise batlaaye, sarv vyaapt kahaan aaye jaaye
Anant shaktiwala avinaashi, riddhi siddhi uski daasi
Saaraa hi bramhand pasaaraa, chale uski ichcha anusaaraa
Yadi wah sankalp chalaaye, murda bhi jeevit ho jaaye

Hari om Hari om Hari om Hari Om - Hari om Hari om Hari om Hari Om

**Brahmi stithi prapt kar kaarya rahe na shesh
Moh kabhie na thag sake ichcha nahin lavlesh
Purna guru kirpa mili purna guru ka gyaan
Asumal se ho gaye Sai Asaram**

Jaagrat swapna sushupti chete, brahmanand ka anand letey
Khaate peete maun ya kahate, brahmanand masti mein rahate
Raho grihastha guru ka aadesh, grihast sadhu karo updesh
Kiye guru ne vaare nyaare, gujarat Disaa gaon padhare
Mrut gaay diya jeevan daanaa, tab se logon ne pehachana
Dwaar pe kehate Narayan Hari, lene jaate kabhie madhukari
Tab se ve satsang sunaate, sabhie aarti shanti paate
Jo aaya uddhar kar diya, bhakt ka beda paar kar diya
Kitne marnasann jilaaye, vyasan maans aur maddya chhudaaye

Hari om Hari om Hari om Hari Om - Hari om Hari om Hari om Hari Om

**Ek din man uktaa gayaa kiyaa Disaa se kooch
Aayi mauj fakir ki diyaa jhopadaa phuk**

Ve Nareshwar dhaam padhare, ja pahunche Narmada kinare
Meelon peeche chhoda mandir, gaye ghor jungle ke andar
Ghane vriksha tale patthar par, baithe dhayaan Niranjan ka dhar
Raat gayi prabhaat ho aayi baal Ravi ne surat dikhaai
Praatah pakshi kooyal kuakanta, chhuta dhayaan uthe tab santaa
Praatarvidhi nivrit ho aaye, tab aabhas kshudhaa ka paaye
Socha main na kahin jaoonga, yahin baith kar ab khaoonga
Jisko garaj hogi aayega srishti karta khud laayega
Jyun hi man vichar ve laaye tyun hi do kisan wahan aaye
Dono sir par baandhe saafa, khaadya peya liye dono haatha
Bole jeevan safal hai aaj arghya swikaro Maharaj
Bole Sant aur pe jao jo hai tumhara use khilao
Bole kisan apko dekha, swapna mein maarag raat ko pekha
Hamara na koi Sant hai duja, aao gaon karein tumhari pooja
Asaram tab man mein dhaare, niraakaar aadhaar hamare
Piya dudh thoda phal khaya, nadi kinare jogi dhaaya

Hari om Hari om Hari om Hari Om - Hari om Hari om Hari om Hari Om

**Gandhinagar gujarat mein hai Motera gram
Bramhanishta Shri Sant ka yahin hai paavan dhaam
Atmanand mein mast hai kare vedanti khel**

**Bhakti yog aur gyaan ka Sadguru karte mel
Saadhikaaon ka alag ashram naari uthhan
Naari shakti jagrit sada jiska nahin bayaan**

Baalak vriddha aur nar naari sabhie prerna paaye bhari
Ek baar jo darshan paaye, shanti ka anubhav ho jaaye
Nitya vividh prayog karaye, naad-anusandhan bataye
Naabhi se ve Om kehalayen, hriday se ve Ram kehalayen
Samanya dhyaan jo lagaye unhein ve gehare mein le jaye
Sabko nirbhay yog sikhayen, sabka atmotthan karayen
Hajjaro ke rog mitaaye, aur laakhon ke shok chhudaaye
Amritmay prasad jab dete, bhakt ka rog shok har lete
Jisne naam ka daan liya hai, Guru amrit ka paan kiya hai
Unka yog kshem ve rakhte, ve na teen taapon se tapte
Dharm kamarath moksha ve paate aapad rogon se bach jaate
Sabhie shishya raksha pate hain sukshma shareer Guru aate hain
Sachmuch Guru hai deen dayal, sahad hi kar dete hai nihaal
Ve chaahate sab jholi bhar le nij atma ka darshan kar lein
Ek sau aanth jo paath karenge, unke sare kaaj sareng
Gangaram sheel hai dasa, honghi purna sabhie abhilasha

Hari om Hari om Hari om Hari Om - Hari om Hari om Hari om Hari Om

**Varabhayadata Sadguru param hi bhakta krupal
Nischal prem se jo bhaje Sai kare nihaal
Man mein naam tera rahe, mukh pe rahe sugeet
Humko itna dijiye, rahe charan mein preet**

Hari om Hari om Hari om Hari Om - Hari om Hari om Hari om Hari Om